

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XL No. 10
Mayo 21, 2009
www.philippinerevolution.net

Editorial

Rebolusyon ang magatapos sa pagkaatrasado kag kaimulon


Tuman kadako nga kahambugan ang deklarasyon ni Gloria Arroyo nga maisip na ang Pilipinas sa pinakamauswagon nga pungsod sa kalibutan pag-abot sang 2020. Ginabola lamang ni Arroyo ang ulo sang mga Pilipino sa paliwat-liwat nga paghambal nga pila ka tuig na lang matapos na ang ginatos ka tuig nila nga kaimulon bunga sang iya mga pagtinguha kag tikang. Wala sang magapati sa ginapagwa ni Arroyo nga kinahanglan niya magpabilin sa poder para maluwas ang Pilipinas kag madul-ong ini sa pangako niya nga kauswagan.

Bangud sang paglala sang krisis sang malapyudal nga ekonomya sa pungsod kag sang paghanot sang subong nga krisis sang pangkalibutanon nga sistemang kaptalista, labi pa nga mangin atrasado ang pangabuhian sa Pilipinas. Amo man sini ang tantya bisan sang mga imperyalista nga ahensya pangpinansya.

Tubtub nga ang ekonomya sang Pilipinas nagapabilin nga taga-suplay lamang sa mga imperyalista sang barato nga hilaw nga materyales kag barato nga kusog-pangabudlay, nahigot sa pag-eksport sang malaproseso nga produkto kag ginahukhukan sang supertubo gamit ang ga-

may nga sobra nga kapital, magapabilin ini nga atrasado, agraryo kag indi industriyalisado. Permi man nga pagabayuhon sang permanente nga krisis ang Pilipinas kag indi ini mag-uswag san-o man sa idalom sang garuk nga sistema.

Wala na nag-uswag ang ekonomya kag kabug-usan sang katilingban nga Pilipino halin nga ginpaluntad sang imperyalismong US ang kolonyal kag neokolonyal nga pagginahum, pagpandambong kag pagpamigos. Halin sadtong dekada 1980, sang ipatuman ang imperyalista nga polisiya nga “neoliberal nga globalisasyon” kag katuwang nga liberalisasyon, deregulasyon, pleksibilidad sa pagtrabaho, pribatisasyon kag denas-yunalisasyon labi pa nga naglala ang amo nga makaluluoy nga kahimtangan.



Mga tampok sa isyu nga ini...

Pagkurakot sa pondo sg Balikatan

PAHINA 3

Mga paglapas sa tawhanong kinamatarung sg SMR

PAHINA 8

Panibag-ong krisis sa pulitika sa Nepal

PAHINA 11

Wala sa mga paltik nga promisa ni Arroyo ang kalubaran sang kaimulon kag makaluluoy nga kahim-tangan sang pumuluyo nga Pilipino. Sa baylo, ang rehimeng US-Arroyo amo pa ang responsable sa padayon nga pagkaatrasado sang ekonomya kag katilingban nga Pilipino. Wala sang anuman nga ginhi-mo ang rehimen nga ini para paus-wagon ang ekonomya, industriya, agrikultura kag kalidad sang pangabuhian sang pumuluyo nga Pilipino. Ginaupangan pa gani sini ang pungsodnon nga industriyalisasyon, reporma sa duta kag mga programa kag panugyan para sa ikaayo sang pumuluyo.

Pinakamasupog ini nga tagapatuman sang mga polisiya sang imperyalista nga "globalisasyon" nga labi nga nagapadalom sa kabudlayan nga nahamtangan subong sang pumuluyo nga Pilipino. Ang imperyalista nga "globalisasyon" ang nagaguba sa mga produktibong pwersa, nagasipot sa duna nga manggad sang pungsod kag nagadingot sa pinakabasehan nga mga serbisyo sosyal sa mga ginakulang.

Rebolusyon lamang ang magatapos sa pagkaatrasado kag kaga-

rukan sang pungsod. Paagi sa bag-o nga demokratikong rebolusyon mapukan ang nagaluntad nga malakolonyal kag malapyudal nga sistema nga pangkatilingban kag magum ang pungsodnon nga kahal- wayan, demokrasya, hustisya, kalinungan kag kauswagan nga masobra isa ka gatos ka tuig na nga ginadingot sa pungsod kag pumuluyong Pilipino. Paagi lamang sini mahatagan-dalan ang pag-uswag sa pangabuhian kag kalidad sang pagpangabuhian sang pumuluyo.

Ang sosyalista nga rebolusyon padulong sa pagtukod sang labi nga mas mauswagon nga pangpulitika kag sosyo-ekonomiko nga sistema nga ang pangunahon nga makabenepisyo amo ang sahing mamumugon kag masang anakbalhas, gilayon nga igasulong sa tion nga makumpleto ang pungsodnon demokratikong rebolusyon.

Sa pagpasulong sang rebolusyong Pilipino, dapat todo-todo nga pamatukan ang nagahari nga rehimeng US-Arroyo kag tanan nga iban pa nga papet kag reaksiyunaryo nga rehimen nga salandigan sang nagaharing sistema tubtub nga mapukan kag mabayluhan ang bug-os nga garuk nga sistema. **AB**

Pagtuon sang ADB Tuman ka atrasado sang Pilipinas

Ginpagguwa sining Mayo sang Asian Development Bank (ADB) ang isa ka komprehensibo nga pagtuon sini nga nagakumparar sa nalab-ot nga pag-uswag sa pangabuhian kag katilingban sang lain-lain nga pungsod sa kalibutan. Suno diri, magaabot sang duha ka siglo antes matupungan sang Pilipinas ang subong nga lebel sang pagpangabuhian sang mga industriyalisado nga pungsod.

Base sa kabilugan nga tuigan nga produksyon kada tawo sa Pilipinas (*per capita* GDP) nga \$33.70 (P1,588), magaabot sa 175 tuig antes malab-ot ang \$397.20 (P18,722) nga subong nga tuigan nga produksyon kada tawo sa mga industriyalisado nga pungsod. Samtang nagadugay labi pa nga nagadako ang lang-at nga ini.

Suno pa sa ADB, magaabot sang 151 tubtub 240 tuig antes maabot sang Pilipinas ang lain-lain nga mga talamdan sang mataas nga kalidad sang kabuhi nga ginlab-ot na sang mga industriyalisado nga pungsod, pareho sang literasiya, kinaandan nga nalab-ot nga edad, serbisyo sa edukasyon kag ikaayong-lawas kag iban pa. Usmod gid ang Pilipinas sa tanan nga kategorya nga ini kag kapares sang Bangladesh kag Nepal, duha sa pinakaimol nga pungsod sa bilog nga kalibutan.

Ang matuod, tubtub nagapabilin ini sa idalom sang sistemang malakolonyal kag malapyudal, indi maabot sang Pilipinas ang kauswagan bisan pila pa ka gatos ka tuig ang magligad. **AB**



Tuig XL No. 10 Mayo 21, 2009

Ang *Ang Bayan* ay inilalabas sa wikang Pilipino, Bisaya, Iloko, Hiligaynon, Waray at Ingles.

Maaari itong i-download mula sa Philippine Revolution Web Central na matatagpuan sa:

www.philippinerevolution.net

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikau-unlad ng ating pahayagan. Maaabot kami sa pamamagitan ng email sa: angbayan@yahoo.com

Kaundan

Editorial

Rebolusyon ang magatapos sa pagkaatrasado kag kaimulon	1
Atrasado ang Pilipinas—ADB	2
Wala sg trabaho	3
Mga kaso sg korapsyon	3
Pilipina, ginlugos sg Amerikano	4

Pagpanghalit sg pasista nga estado

Sunud-sunod pagtarget sa mga sibilyan	5
Padya, ginkadlawan	6
Blokeyo sa pagkaon	6
Mga kriminal sa pagpatay kay Rebelyn, gin-abswelto	7
Mga paglapas sa SMR	8

Mga aksyon militar sg BHB

Pagbato sa pagmina sa SMR	9
Krisis sa pulitika sa Nepal	11

Balita	12
---------------	-----------

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas

Wala sang trabaho, padayon nga nagalala

Ang nagalala nga disempleyo sa pungsod kag ang naabot na nga putuk-putukan sini sa subong ginpamatud-an sang pinakaulihi nga sarbey sang Social Weather Stations (SWS). Sa sarbey nga ini, nagaguwa nga 34.2% ukon P14 milyon Pilipino ang wala sang trabaho. Nagalab-ot naman sa tatlo ka milyon ang napahalin sa trabaho sadtong una nga kwarto sang tuig pa lang. Nagataas man sang 20% ang tantos sang disempleyo halin sadtong Mayo 2005.

Suno pa gihapon sa SWS, nagalab-ot sa 16.7% sang mga pamilya sang mga napahalin sa trabaho ang nakaagi sang grabe nga gutom samtang 16.9% sang mga wala sang trabaho ang nalista nga ginagutom.

Samtang, ginsiling naman sang Nielsen Company Phil. sa ila nga sarbey nga nagaabot sa 26% sang mga Pilipino ang ginatublag sang wala sang kaseguruhan sa trabaho. Daku nga sampal sa Department of Labor and Employment (DOLE) kag Malacañang ang ginpakita sang SWS sarbey, siling ni Rep. Joel Maglunsod sang partidong Anakpawis. Siling niya, wala nasabat sang gubyerno ang nagalala nga kawawad-on kag pagpahalin sa trabaho bisan pa nga may mga "job fair" nga ginalunsar ang rehimeng Arroyo.

Pilit man nga ginatago sang gubyerno ang matuod nga isip sang mga wala sang trabaho bangud suno sa mga gindoktor nga estadistika sang DOLE 7% lamang ang tantos sang disempleyo. AB

Anomalya sa pagpresyo sang *noodles*

Napilitan ang Department of Education (DepEd) nga suspendihon ang kontrata sang suplayer sini sang *noodles* sa programa nga Food-For-School pagkatapos mabuyagyag ang makahuluya nga pagpahabok sang mataas nga upisyal sang edukasyon sa presyo sang mga ini.


Suspendido ang kontrata sang Jeverps Manufacturing Corporation (JMC) samtang ginaimbistiga sang Senado ang anomalya. Ginhatag sang DepEd sa JMC sadtong 2007 ang P284.13 milyon nga kontrata para magsuplay sang P15 milyon pakete sang *fortified noodles* (nga kuno may dugang na bitamina). Nagalab-ot na sa P750 milyon ang balor sang mga kontrata nga ginhatag sang DepEd sa JMC sa sulod sang lima ka tuig. Pagkatapos libut-libutan ang mga patakaran sa *bidding*, ginpaboran sang DepEd ang JMC. Wala sang lisensya ang JMC, suno mismo sa Bureau of Food and Drugs.

Sa kontrata sadtong 2007, P18 ang gintalana nga presyo sang *noodles* samtang mabakal ang kada pakete

sini sa presyo nga P4.50 sa lokal nga tindahan. Subong nga tuig, gindugangan pa sang P4.00 ang dahan nga P18 presyo sang *noodles* gani P22 na ini subong. Sa kabilugan, nagaabot sa P251 milyon ang patong sa kontrata subong nga tuig.

Kaladlawan nga ginarason ang mas mahal nga presyo sini sa pag-siling nga may ara kuno ini nga preska nga itlog kag malunggay. Pero bisan ini napamatud-an nga peke. Suno sa pag-usisa sang mga ahensya sa Hongkong, Malaysia, South Korea kag Vietnam himo lamang sa arina kag betsin ang *noodles*, wala sang preska nga itlog kundi *egg powder* lamang kag wala man sang malunggay. Sa pagbista sang Senado, kaladlawan nga ginhambal sang isa ka upisyal sang DepEd nga P60-P100 kada gramo ang presyo sang malunggay gani mataas ang presyo sang *fortified noodles*. Ang matu-

od, para ini sa maasab kag wala sang kabulusgan nga upisyal sang gubyerno nga nagapanghimulos sa kaimulon sang mga bata nga Pilipino. AB



Pondo sang Balikatan, ginabulsa sang mataas nga upisyal militar

Halos P250 milyon ang pondo nga ginpasa sang gubyerno sang US para bayaran ang mga nagasto sang mga suldado nga Amerikano sa Balikatan sadtong 2006 kag 2007 nga gin-abonohan anay sang Armed Forces of the Philippines (AFP). Pero sa baylo nga ientrega ini sa Philippine National Treasury iligal ini subong nga nakatago sa isa ka bangko para kuno sa Citizens' Armed Forces Geographical Unit (CAFGU) sa idalom sang Western Mindanao Command (Westmincom). Bangud nga napakagamay nga bahin sang natigana para sa mga elemento sang CAFGU ang aktwal nga ginahatag

kag ginagasto para sa mga kina-
hanglanon nila, ang pondo para ku-
no sa CAFGU amo ang isa sa pinaka-
daku nga ginahalanan sang mga ku-
rakot sang mataas nga upisyal sang
AFP.

Ini ang natukiban sang Commis-
sion on Audit (COA) sang usisaon si-
ni ang hulag sang pondo sang AFP
sadtong mga tuig nga nasambit. Na-
gakahulugan nga indi hamak nga
mas mataas pa ang kantidad nga na-
dalahig sa mga irregularidad sangsa
una napahayag na ni Lt. Senior Gra-
de Nancy Gadian sang Philippine
Navy. Suno kay Gadian, tagadumala
sang *civil-military operations* sang
Balikatan sadtong 2007, masobra
P40 milyon ang ginbalsa sang mata-
as nga upisyal militar halin sa pon-
do sang RP-US Balikatan *exercises*
sadtong 2007.

Suno kay Gadian, P4 milyon ang
kabilugan nga upisyal nga natigana
para sa implementasyon sang gindu-
malahan niya nga CMO sang Balika-
tan, pero P2.3 milyon lamang ang
aktwal nga ginhatag sa upisina niya.
Ang balanse sini wala ginhatag sang
hepe sadto sang Westmincom, si Lt.
Gen. Eugenio Cedo.

Ginbuyagyag ni Gadian nga ang
mas daku pa nga pondo para sa Bali-
katan 2007, nga nagalab-ot sa P46
milyon, ang himbunanay nga gintu-
lunga nanday Cedo kag iban pa nga
mataas nga upisyal sang Westmincom
kag AFP. Igabuyagyag pa ni Gadian
sa palaabuton ang mga detalye kag
dokumento nga magapamatuod sini.

Bilang balos sa iya nga pagbu-
yagyag kag para pahipuson siya,
ginapaaresto si Gadian kag may
"shoot-to-kill order" man batuk sa
iya. Nagpetisyon na sa korte Supre-
ma ang utod ni Gadian para maha-
tagan siya sang *writ of amparo*.

Ginsuportahan ang petisyon sang
BAYAN, Bayan Muna, Gabriela Wo-
mens' Party, Anakpawis kag Kabataan
Party, pila ka senador kag sang pila ka
pari halin sa Catholic Bishops' Confe-
rence of the Philippines. **AB**

Isa na naman ka Pilipina, ginlugos sang suldado nga Amerikano

Isa na naman ka Pilipina ang ginlugos sang isa ka suldado nga Ame-
rikano. Isa ka estudyante nga nagpakilala nga si Vanessa ang nag-
siling nga siya ginlugos sang isa ka upisyal sang Joint US Military
Advisory Group nga partisipante man sa Balikatan *exercises*.

Suno sa iya nga panaysayon,
una nga nagpakilala sa iya ang
nasambit nga upisyal sa isa ka
club sa Makati sang maglagaw si-
ya diri upod ang iya mga abyan
sadtong Abril 10. Pagkatapos si-
ni nagkita pa sila sang duha ka
kahigayunan sa iban pa nga mga
club sa nasambit man nga syudad.

Sadtong Abril 19 gintawgan
siya sang nasambit nga upisyal
para imbitaron sa isa kuno ka ka-
sadyahan sa sulod sang isa ka
kwarto sa isa ka malahalon nga
hotel sa Makati. Magatambong
man kuno diri ang iban pa nga
abyan kag ang nobya sang upi-
syal. Sang mag-abot sa kwarto si
Vanessa kag nakita niya nga wala
sang iban nga tawo didto nahibal-
an niya nga gintunto lamang si-
ya sang upisyal. Mahalin na tani
siya sang mabaskog siya nga tam-
paon sang upisyal. Ginhaboy siya
sa kama, ginkuga kag ginlugos.

Pagkaaga ginpaabot niya ang
iya kaso sa GABRIELA, nga
amo ang nagbulig para
mapausisa siya sa doktor
kag makapangayo siya
sang laygay sa abuga-
do. Ginreport man niya
ang hitabo sa pulisya kag nag-
agi sa mediko-ligal nga pag-
usisa nga nagpamatuod nga
siya ginlugos.

Sadtong Mayo 15 gin-
basa niya ang iya pahayag
sa atubang sang mga katapu
sang midya.


Ang pagpanglugos kay Va-

nessa natabo apat ka adlaw la-
mang antes baliskaron sang Court
of Appeals ang husga kay Lance
Cpl. Daniel Smith nga naglugos sa
Pilipina nga si Nicole sadtong
2005 sa Subic Bay Freeport. Ang
pag-abswelto kay Smith ang bu-
nga sang paghimbunanay sang re-
himeng Arroyo kag gubyerno sang
US para luwason ang Visiting
Forces Agreement nga ginapaba-
sura na sang madamo nga sektor
bangud sa indi matarung nga pro-
teksyon nga ginahatag sini sa
mga nakasala nga suldado nga
Amerikano sa Pilipinas.

Gindula sang pagka-abswelto ni
Smith ang anuman nga paglaum ni
Vanessa nga maangkon ang kataru-
ngan sa husgado. Direkta na niya
nga ginatugyan sa pumuluyo ang
kaso niya. Bisan pa man, ginagan-
yat gihapon siya sang GABRIELA
nga lab-uton ang anuman nga ma-
angkon sa proseso nga ligal.

Mabaskog nga ginkundinar
sang Partido Komunista sang Pili-
pinas ang paglugos kay Vanessa.

Nagapanawagan ini sa pumu-
luyo nga iduso ang pagbasura
sa tanan nga indi alalangay, in-
di matarung kag mapiguson
nga kasugtan sa tunga
sang US kag Pilipinas. Sa
pagdula lamang sang
mga upang nga ini ma-
angkon ang katarungan
para kay Vanessa kag
iban pa nga biktima sang
pagpamigos sang imperyalismo
nga US sa pungsod. **AB**





Sunod-sunod nga pagtarget sa mga sibilyan

Sunod-sunod ang kaso sang pagtarget sang pasista nga militar sa mga inosente nga sibilyan. Kalakip sa mga biktima ang utod sang isa ka militante nga lider sa Batangas, isa ka mangunguma sa Albay, isa ka Ata-Manobo sa Davao del Norte kag mga komunidad sang Moro sa Maguindanao.

Mayo 14. Gintiro kag napatay sang duha ka lalaki nga nakamotor-siklo si Felipe Bautista, 30, sa banwa sang Calaca, Batangas. Natabo ang pagpatay samtang nagasakay ang biktima sa iya nga *scooter* mga alas-7:30 sang gab-i. Napilasan man sa nawala nga tiil tuga sang nagtalang nga bala ang isa ka 12-tuig nga edad sang bata nga nagasakay sa traysikel.

Si Felipe katapo sang Samahan ng mga Magbubukid ng Batangas, nga katapo sang Kilusang Magbubukid ng Pilipinas. Manghod siya nga utod ni Agaton Bautista, *provincial coordinator* sang partidong Anakpawis sa Batangas.

Mayo 12. Iligal nga ginsulod kag ginpang-ukay sang mga elemento sang militar ang mga balay sa Barangay Salvo kag Tatapan sa Datu Saudi Ampatuan, Maguindanao. Bisan ang mga balay sang mga upisyal kag empleyado sang guberno ang wala nakaluwas. Makapila ka beses na nga natabo ang ini nga mga insidente sa mga komunidad sang Moro sa Mindanao umpisa nga maglupok ang mabaskog nga inaway sa tunga sang MILF kag AFP sadtong tunga-tunga sang 2008.

Mayo 11. Ginpatay sang mga elemento sang 2nd IB si Danilo Nuel, residente sang Sityo Kagnanaga, Barangay del Rosario, Jovellar, Albay. Nasapwan ang iya bangkay sa kaiping nga Barangay Nabasan. Ginpahayag sang 2nd IB nga isa kuno siya ka katapo sang Bag-ong

Hangaway sang Banwa (BHB) nga ila ginpatay sa isa ka engkwentro. Apang suno sa *blotter* sang pulisya sang Jovellar, si Nuel isa ka ordinario nga mangunguma lamang.

Sa isa ka pahayag, ginsiling sang Santos Binamira Command sang BHB-Albay nga si Nuel ginpaukpan sang kaugot sang mga pasista nga militar pagkatapos mag-angkon sang mga kaswalti sang makaengkwentro nila ang isa ka hubon sang BHB mga alas-12 sang udto sadtong adlaw nga ina. Hilway nga nakatras ang BHB apang sa operasyon panglagas sang militar gindakup sang mga suldado si Nuel, nga masako sadto sa pagpangkopras. Duha ka oras pagkatapos sini, nasapwan siya nga wala na sang kabuhi sa Barangay Nabasan.

Mayo 6. Ginpangtiro sang mga suldado ang duha ka minorya nga Tumandok samtang nagapauli ang mga ini sa ila baryo sa Rizal Sur, Tapaz, Capiz. Nasumalang nanday Jason Eulalio, 47, kag Charito Caspillo, pareho nga residente sang nasambit nga lugar, ang isa ka platoon nga wala nakauniporme kag armado (nahibal-an nga ang mga ini mga suldado sang 47th IB sang 3rd ID nga yara sa "Field Training Exercise on Jungle Survival"). Nagpanago ang duha sa paglaum nga mga kaaway nila nga mga taga-tribong Aklanon ang nasumalang. Nagluntad ang linupok kag ang una nga naigo si Eulalio. Sang maigo man si Caspillo nagbayaw si-

ya sang iya mga kamot kag nagpakilala nga sibilyan. Apang gintiro pa gihapon siya sang mga militar bangud siling nila, isa kuno siya ka katapo sang BHB.

Ginpanginwala ang akusasyon nga ini sang mga kasimario ni Caspillo sa pangpubliko nga pagbista nga ginhimo ni Sen. Ana Consuelo "Jamby" Madrigal sang Committee on Cultural Minorities sang Senado sadtong Mayo 17 sa Roxas City.

Gindala si Caspillo sa ospital apang napatay siya sadtong Mayo 13. Nagabusong siya sadto.

Abril 14. Wala sang kaluoy nga ginpatay sang mga elemento sang 60th IB si Kapis Butod, isa ka Ata-Manobo kag residente sang Sityo Melangsad, Barangay Palma Gil, Talaingod, Davao del Norte. Ginapamilit sang mga suldado nga si Butod kalakip sa mga Pulang hangaway nga nag-ambus sa ila sadtong Abril 13 sa malapit nga Sityo Damagan bangud lang nga may nakita sila nga gamay nga pilas sa iya kamot. Suno sa mga kapamilya ni Kapis, napilasan ang biktima sang naghimo siya sang tirador.

Ginpaantos anay si Butod antes siya ginpatay. Ginbali ang iya mga tudlo kag pasulit-sulit nga ginlabo sang binangon ang iya natuo nga paa tubtob sa nakaangkon sang pilas nga 10 pulgada ang kalabaon. Gintulod ang duguon nga biktima palapit sa isa ka puno sang niyog kag ginmanduan siya nga hakson ini. Pagkatapos sini ginpaulanan siya sang bala.

Ginkawat man sang mga suldado ang P7,000 kita sang amay ni Kapis sang ginbaligya nila ang ila kalabaw.

Bangud sa kahadlok, tubtob su-bong wala pa makapauli sa ila mga puluy-an ang mga residente sang Sityo Melangsad kag nagadayon lamang sila sa ila mga pamilya sa iban nga mga barangay. **AB**



Padya para sa pagdakup kanday Sison, Rosal, kaladlawan


Ginkadlawan lamang sang Partido Komunista sang Pili-pinas (PKP) ang P15 milyon nga ginatanyag nga premyo sang rehimeng US-Arroyo sa pagdakup kanday Jose Ma. "Ka Joema" Sison kag Gregorio "Ka Roger" Rosal kag ginsiling nga ini pamaagi lamang para malikaw ang mga kastigo batuk sa nagapadayon nga pangpulitika nga pagpamatay kag pagdukot sa pungsod.

Ang P15 milyon nga padya (P10 milyon kay Sison kag P5 milyon kay Rosal) gin-anunsyo sang Philippine National Police (PNP) bilang sabat sa pagpuno sang rehimeng Arroyo sa P25 milyon nga pondo para mauntat na kuno ang mga ekstrahudisyal nga pagpamatay sa pungsod. Gin-anunsyo ni Gloria Arroyo ang paghimo sang nasambit nga pondo makaligad liwat nga nag-ani sang pagpakamaut ang iya gubyerno sa tuigan nga pulong sang United Nations Human Rights Council (UNHRC) sa Geneva, Switzerland sadtong Abril 29.

Indi lang kaladlawan kundi kabutigan kag malisyoso ang tanyag nga premyo nga ini bangud ginapaguwa nanday Arroyo kag mga idu-ido niya sa militar kag pulisya nga ang pagdakup sa duha ka lider ang makaresolbar sa mga kaso sang ekstrahudisyal nga pagpamatay sa pungsod. Desperado nga ginawaslik sang rehimeng Arroyo ang kaugalingon nga krimen sa rebolusyonaryong hublag samtang nagapakuno-kuno nga may ginahimo ini nga mga tikang para tapuson ang pangpulitika nga pagpamatay.

Sa pulong sang UNHRC sadtong Abril 24-29 nga gintambungan nanday Gen. Eduardo Ermita, Atty.

Leila de Lima sang Commission on Human Rights kag Marie Hilao Enriquez sang Karapatan kag mga biktima sang tortur nga sanday Pastor Berlin Guerrero kag Raymond Manalo, ginsu-
miter ni Prof. Philip Alston, Special Rapporteur sang UN ang iya 16-pahina report nga direkta nga nagatumbod sa *command responsibility* ni Arroyo sa nagapadayon nga mga



pangpulitika nga pagpamatay sa pungsod. Ini *follow-up report* sang nauna na niya nga mga report sadtong Pebrero 2007 kag sadtong 2008. Ginakabalak-an man ni Alston ang pagsulod sa Kongreso ni Gen. Jovito Palparan nga imbolbado sa mga kaso sang pagpamatay.

Ginapasibangud kanday Sison kag Rosal ang pagpatay sadtong 1998 kay Nelson Nadura, isa ka anay katapu sang rebolusyonaryo nga hublag nga naghaling kag sang ulihi nangin brodkaster sa Masbate.

Hayag katama sa Masbate nga si Nadura ginpapatay sang isa sa mga pulitiko nga masami niya nga ginakastigo sa iya programa sa radyo.

Ang padya para sa pagkadakup kanday Sison kag Rosal paglapas man sa Joint Agreement on Safety and Immunity Guarantees (JASIG) nga nangkon sa mga sugilanon pangkalinungan sa tunga sang NDFP kag sang reaksyunaryo nga gubyerno. Nagaserbi nga panibag-o nga sablag ini sa pagpadayon sang sugilanon. AB

Blokeyo sa pagkaon, ginmandu sang militar sa Maguindanao

Ginagutom subong ang mga bakwit sa Maguindanao makaligad Gipatuman sang militar ang pagblokeyo sa pagkaon. Ang tikang nga ini ginmandu ni Col. Menardo Geslani, hepe sang 601st Bde sang Philippine Army nga nakabase sa Maguindanao. Sadto pa sang nagligad nga Abril ginsuguran sang mga suldado ang pag-abang sa mga pagkaon nga donasyon sang mga makatawo nga organisasyon, suno sa mga upisyal sang barangay.

Bisan ang International Committee of the Red Cross (ICRC) kag United Nations World Food Programme (UNWFP) nagareklamo man bangud nabudlayan sila sa pagpasulod sang mga pagkaon kag paghatag sang libre nga serbisyo sa mga sentro sang ebakwasyon.

sundan "Blokeyo..." pahina 7

"Blokeyo..." halin sa pahina 6

Apektado sang blokeyo sa pagkaon ang mga nagpalagyo halin sa mga banwa sang Datu Piang, Talayan, Datu Saudi Ampatuan kag Guindulungan. Suno sa mga upisyal sang mga barangay, ginadumilian sila nga magbaton sang pagkaon bangud may suspetsa si Geslani nga nagakadto lamang ini sa mga paryente sang mga katapu sang Moro Islamic Liberation Front (MILF).

Ginareklamo man sang mga bakwit nga ang mga suldado mismo sang 601st Bde ang nagakampo man sa mga sentro sang ebakwasyon. Ginapangbubong sang mga suldado ang mga tolda kag iban pa nga kagamitan nga kabahin sang *relief goods* nga ginapanagtag sa mga bakwit.

Samtang, naalarma si Stephen Anderson, UNWFP Country Director and Representative in the Philippines sa nagadaku nga numero sang mga pumuluyo sa Mindanao nga pwersahan nga nagpalagyo bangud sa nagapadayon nga opensiba militar batuk kay Kumander Ameril Umbra Kato sang MILF. Sa pinakaulihi nga listahan sang UNWFP, nagalabot na sa 45,000 pamilya ang nagbakwit sa ila mga puluy-an sa Central Mindanao.

Sining Mayo 13, ginreport nga nagaabot sa 10,964 mga pamilya ang nagpalagyo halin sa pila ka banwa sang Maguindanao kag Cotabato. Partikular sa Maguindanao, may nalista nga 53,335 bakwit nga naghalin sa mga barangay sang Ganta, Bakat, Inaladan kag Penditin sa Datu Saudi Ampatuan kag mga barangay sang Dasawao kag Tee sa Datu Piang. Nadugangan man ini sang 296 nga pamilya halin sa banwa sang Midsayap, Cotabato. AB

Mga kriminal sa pagpatay kay Rebelyn, gin-abswelto

Ginkundenar sang Merardo Arce Command ang paltik nga imbestigasyon sang Task Force (TF) Rebelyn nga gintukod sang Philippine National Police (PNP), National Bureau of Investigation (NBI) kag iban pa nga ahensya sang gubyerno para tumuron ang may kahimuan sa pagdukot, paglugos, pagtortur kag pagpatay kay Rebelyn Pitao, anak sang Pulang kumander nga si Leoncio "Ka Parago" Pitao. Siling sini, wala sang iban nga katuyuan ang nasambit nga *task force* kundi maabswelto ang AFP kag basulon ang rebolusyonaryo nga kahublagan sa makasiligni nga krimen.

Makaulugot indi lang ang pagabswelto sang TF-Rebelyn sa mga ginaspetsahan nga elemento sang militar sa manabaw nga rason nga wala sila sang makita nga testigo batuk sa mga ini. Nagpakuno-kuno na lamang ang *task force* matapos magbabad ang mga ahensya paniktik sang militar nga ipakita ang 13 nga ginaspetsahan nga ahente sini nga suspek sa krimen.

M a s makasuluka pa ang ginpagguwa nila nga may salabton ang amay ni Rebelyn sa krimen. Ginapalutaw nila ang himu-himo nga istorya

nga ang pagpatay kay Rebelyn babalos sa pagkapatay kay Roger Narvasa, isa ka *rebel returnee*, sadtong nagligad nga Pebrero sa Paquibato.

Ginapalapta man ang sugilanon nga may kahalabtanan ang rebolusyonaryong hublag sa krimen bangud kuno sa korapsyon ni Ka Parago. Ginaimbestigahan subong sang *task force* sa Anti-Money Laundering Council kag Registry of Deeds ang asawa niya nga si Evangeline kag ang anak nga si Rio. Maathag nga tuyo sini

nga ipiton pa gid si Ka Parago kag ang nabilin niya nga kapamilya gamit ang mismo pagkapatay kay Rebelyn. AB



Demolisyon para sa South Rail Project

Nagalabot sa masobra isa ka libo nga pamilya ang napilitan nga magbakwit kag nawad-an sang balay pagkatapos ang serye sang mga demolisyon sadtong Abril 27-29 sa kahabaan ng riles sa Muntinlupa.

Ayon sa Kalipunan ng Damayang Mahihirap (KADAMAY)-Muntinlupa, ginsakop sang demolisyon ang bilog nga District 1 sang nasambit nga syudad lakip ang higad sang riles sang kahabaan sang Cupang, Sucat kag Alabang. Ginhimo ang demolisyon sang 600-katawo nga *demolition team* sang National Housing Authority, Philippine National Railway (PNR), PNP kag SWAT-Muntinlupa.

Ginpakamalaut sang KADAMAY-Muntinlupa ang South Rail Project bangud magatuga ini sang wala sang mapuy-an kag trabaho ang pumuluyo. Siling nila, mga dumuluong nga kapitalista kag ang rehimeng Arroyo lamang ang makapanginpulos diri. Nagapanawagan sila nga untaton ang demolisyon kag pauswagon ang pangabuhian sang pumuluyo sa higad sang riles. AB

Pasista nga kalakasan sa Southern Mindanao

Ginpaguwa na sang International Solidarity Mission (ISM) ang resulta sang pagpanayasat sini nga ginhimo sa Southern Mindanao sadtong Mayo 14-19. Ang ISM ginapatapuan sang 350 progresibo nga tiglawas, tagasakdag sang kalinungan, tagasakdag sang tawhanong-kinamatarung, estudyante kag mga propesyunal sa ikaayong-lawas halin sa Pilipinas, Australia, South Korea, Argentina, Malaysia kag Germany.

Sa partikular, gintum-ukan sang ISM ang mga banwa sang New Bataan, Compostela kag Monkayo sa Compostela Valley; Paquibato District sa Davao City; banwa sang Sta. Cruz sa Davao del Sur; kag Tampakan, South Cotabato. Ang mga lugar nga ini ang gina-konsentrahan subong sang mga operasyon militar sang 10th ID sang Eastern Mindanao Command sang AFP.

Nainterbyu sang mga delegado ang mga pamilya sang mga biktima sang ekstrahudisyal nga pagpamatay kag mga biktima mismo sang tortyur, pagpangbakol, pilit nga pagpabakwit kag nagkalainlain nga pagpamigos sa mga kinamatarung sibil kag pangpulitika. Nahibal-an sang ISM nga nagalab-ot na sa 100 ang biktima sang ekstrahudisyal nga pagpamatay sa rehiyon. Sa bilog nga Southern Mindanao, may abereyds nga 100 tawo kada adlaw ang nalista nga biktima sang

nagkalain-lain nga paglapas sa tawhanong-kinamatarung sa sulod sang 11 bulan sadtong isa ka tuig.

Nakakuha man ang ISM sang kopya sang "order of battle" sang AFP sa Southern Mindanao nga nag-aunod sang 110 ngalan sang mga

lider kag aktibista nga

masa, mga tawong simbahan kag

nagkalainlain pa nga personahe.

Diri ginhingalan man ang mga progresibo

nga organisasyon pareho

sang BAYAN, Bayan Muna,

Kilusang Mayo Uno kag Samakana bilang ka-

bahin kuno sang "united

front" sang Partido Komunista kag

target sang atake militar

sang AFP.

Isa ka *power-point presentation* na-

man sang 10th ID nga ginatiguluhan

"Holistic Approach in Dismantling Gu-


errilla Front Committees"

ang nagatunod sa

pagtukod sa kasyudaran sang mga Special Counter-Urban Terrorist (SCOUT) Teams nga ginapatapuan sang mga elemento sang pulisya, Military Intelligence Battalion kag Military Intelligence Group 11. Ginaangut diri sang ISM ang makatublag nga pagdaku sang numero sang mga ekstrahudisyal nga pagpamatay sa mga syudad kag sentrong banwa sang Southern Mindanao. Sa partikular, ginaangut diri sang ISM ang pagpatay kanday Rebelyn kag Danilo Pitao, Celso Pomas, Danilo Cualbar, Ludenio Monzon, Maximo Baranda kag Elieser Billanes. Gintuyo man nga patyon ang lider-unionista nga si Liza Alo sadtong Mayo 16 sa Compostela Valley samtang ginahimo dira sang ISM ang pagpaniyasat sini. Siling sang ISM, ang kakahas nga ini pamatuod nga suportado sang 66th IB kag 1001st Brigade sang 10th ID ang mga *death squad* sa Compostela Valley.

Ginpakamalaut sang ISM ang 10th ID bangud sa padayon sini nga paggamit sang mga elemento sang militar, operatiba nga paniktik, lokal nga *goons* kag iban pa nga armado nga elemento kag aset sang militar sa dalagan sang mga operasyon sang *counter-insurgency* sini. Bunga sini, siling sang ISM, magadamo ang mga sibilyan nga mabiktima, mas madamo nga ekstrahudisyal nga pagpamatay ang matabo kag mas magadamo ang iban pa nga kaso sang paglapas sa tawhanong-kinamatarung.

Pila sang ginaduso sang ISM ang pagpahalin sang AFP sa mga erya nga madamol ang sibilyan nga populasyon; pagpahalin sa mga upisyal sang 10th ID nga natalana sa mga lugar kon sa diin mataas ang numero sang mga ekstrahudisyal nga pagpamatay; kag pag-unat sa kampanya sang pagpangsamad batuk sa mga lider kag myembro sang mga progresibo nga organisasyon.



Rehimeng Arroyo, ginpakamalaut sang UN

GINPAKAMALAUT sang United Nations (UN) Committee Against Torture ang ginsumiter nga pahayag sang rehimeng Arroyo bahin sa pagsunod kuno sini sa pangkalibutanon nga kasugtanan batuk sa tortyur. Suno sa UN, maluwas sa naulihi sang 16 ka tuig ang report, napaslawan ang rehimeng Arroyo nga sabton ang 1984 Convention Against Torture and Other Cruel, Inhuman or Degrading Treatment or Punishment bangud sa kahinayon sini magpasaka sang mga kaso batuk sa tortyur kag kapareho sining mga brutal nga hilikuton.

Ginsaway man sang komite sang UN ang gubyerno sang Pilipinas bangud nga tuman ka kulang sa datos ang report sini bahin sa pagpatuman sang mga probisyon sang Convention kag kon paano ini ginasalaming sa mga layi sang pungsod.

Gintalakay sang UN Committee Against Torture ang report sang Pilipinas sa isa ka kumperensya sa Geneva, Switzerland sadtong Abril 27 tubtob Mayo 15. Diri nagpahayag sang labi nga pagkabalaka ang komite sa nagaluntad "culture of impunity" kon sa diin ang mga pulis, militar kag iban pa nga mataas nga upisyal sang gubyerno nga nagaplano, nagamandu ukon nagahimo sang tortyur kag iban pa nga paglapas sa tawhanong-kinamatarong ang wala nasilutan.

Gintumod man sini ang harassment kag pagpamigos sa mga tagasakdag sang tawhanong-kinamatarung. Siling sini, biktima man sang malala nga paglabag sa tawhanong-kinamatarung ang mga Lumad sa Mindanao, mga Igorot sa Cordillera, mga aktibista nga mamumugon kag mangunguma kag mga katapo sang midya, tawong medikal kag tawong simbahan. AB



12 armas, nakumpiska sang BHB sa reyd sa Camarines Sur

Madinalag-on nga ginsalakay sang Bag-ong Hangaway sang Banwa (BHB) ang detatsment sang 22nd IB kag CAFGU sa Barangay Lubigan Jr., Sipocot, Camarines Sur sining Mayo 19. Naagaw sang mga gerilya ang detatsment pagkatapos nagpalagyo ang mga suldado kag tinawo sang CAFGU.

Suno sa mga inisyal nga report, nakakumpiska ang mga Pulang hangaway sang anom nga karbin, apat ka garan kag duha ka M14 halin sa detatsment.

Ginpangin-wala naman ni Ka Greg Banares, tagapamaba sang NDF-Bicol, ang nauna nga pahayag sang AFP nga may napatay nga anom ka gerilya sa nasambit nga inaway. Siling niya, mismo ang pulisya sa lugar ang makapamatuod nga wala sang anuman nga kahalit-an nga gin-angkon ang BHB.

Samtang, lima ka sibilyan ang iligal nga gin-aresto sang mga sul-

dado sa ila mga operasyon panglagas. Ang mga biktima amo sanday Michael Mayores, Ramon Andes, Henry Lopez, Alfredo Lopez kag Emil Luzon nga pareho taga-Sityo Maguimoay, Calabnigan.

Sa Palawan, duha naman ka suldado sang Marine Battalion Landing Team 9 ang napatay sang ambuson sila sang isa ka tim sang BHB sa Barangay Kemdeng, San Vicente sadtong Mayo 15. Nagasakay ang duha ka elemento sang Philippine Marines sa motorsiklo sang ambuson sila mga alas-5 sang hapon. AB

POW, ginhilway sa Compostela Valley

Luwas kag matawhay nga ginhilway sang Bag-ong Hangaway sang Banwa (BHB) sadtong Mayo 11 ang bihag sang gera nga si Pvt. Ronnie Trinidad (Serial Number 972291) sang Charlie Company sang 66th IB. Suno sa Merardo Arce Command sang BHB sa Southern Mindanao Region (MAC-SMR), ginpasa sang isa ka *custodial unit* sang BHB ang suldado sa mga lider-relihiyoso sa Barangay Ngan, Compostela Valley.

Ginpakita sang rebolusyonaryo nga pwersa ang pangpulitika nga gahum sini sa *unilateral* nga paghilway kay Trinidad base sa makatawo nga kunsiderasyon. Ang suldado gin-aresto sa isa ka tsekpoynt sang gintingub nga mga pwersa sang Front 25 Operations Command kag ang 5th Pulang Bagani Coy sang BHB sa Sityo Bongloy, Barangay Pagsabangan, New Bataan sa Compostela Valley sadtong Abril 28. Gintrato siya sang maayos santo sa mga probisyon sang International Humanitarian Law, siling ni Ka Rigoberto Sanchez, tagapamaba sang MAC-SMR.

Gin-imbistiga ang posible nga pagkadalagang ni Trinidad sa mga krimen batuk sa pumuluyo kaangut sang pagpatuman sang Oplan Bantay Laya 2 sang rehimeng US-Arroyo. Suno sa MAC-SMR, bisan si Trinidad kabahin sang pasista nga makinarya sang rehimen sa idalom sang 66th IB-1001st Brigade sang 10th Infantry Division sang AFP, wala sang nakita nga personal nga salabton ang bihag sa mga krimen batuk sa pumuluyo. Si Trinidad duha ka bulan pa lang sa AFP. AB

Paghimakas sang pumuluyo batuk sa mapanghalit nga pagmina sa Davao Oriental

Nagalapnag ang nagkalain-lain nga aksyon masa sa Davao Oriental batuk sa pagdagsa sang dalagkuan nga pagmina sa prubinsya. Ginapamatukan sang pumuluyo ang pagpanghalit sa kapalibutan nga pirme katuwang sang mga operasyon sang dalagku nga kumpanya sa pagmina. Ginakundena nila ang mga maniobra sang mga dalagku nga kumpanya sa pagmina para mapalusot ang ila nga mga operasyon.

Nahibal-an sang pumuluyo diri ang kakinahanglanon nga magsandig sa ila kaugalingon nga kusog bangud wala sila sang masaligan halin sa korap kag reaksyunaryo nga rehimeng US-Arroyo. Sadtong Mayo 13, halimbawa, ginbalabagan ni Rep. Ignacio Arroyo, nagapamuno sang House Committee on Environment and Natural Resources ang imbestigasyon sa kaso sang pagpang-agaw sang mga minahan BHP Billiton at Asiaticus Management Corporation (Amarco) sa mga duta sang katigulangan sang tribo nga Mandaya sa Mati, kabisera sang Davao Oriental.

Ang imbestigasyon bunga sang pagtinguha ni Bayan Muna Rep. Teddy Casiño sadto pa sang nagligad nga tuig. Katuwang sini ang ginpasaka nga resolusyon nga ginpresentar ni Sen. Consuelo “Jambay” Madrigal sadtong 2008 nga nagmandu sa Committee on Cultural Minorities sang Senado nga imbestigahon ang eksplorasyon sang nasambit nga mga korporasyon sa deklarado nga protektado nga kadutaan kag kadagatan sa Mati City kag iban pa nga bahin sang Davao Oriental.

Ang nasambit nga mga resolusyon produkto sang sunod-sunod nga mga aksyon kag kampanyang masa nga ginlunsar sang pumuluyo batuk sa makahalalit nga pagmina sa Davao Oriental kag sa bilog nga isla sang Mindanao halin pa sad-

tong 2007.

Sadtong Nobyembre 2008, ginbuyagyag sang mga residente sang Baryo Macambol sa Mati ang mga maanomalya nga tikang sang BHP Billiton-Amarco sa lokal nga guberno para pahanugutan ang pagmina kag pagkuha sang paltik nga mga lider sang mga Lumad para hatagan sila sang permiso.

Ginsuhulan man sang nasambit nga kumpanya ang mga upisyal sang National Commission on Indigenous Peoples (NCIP) para manipulahon ang pagpasugot sang mga Lumad bisan wala naman sila sang ginhimo nga konsultasyon sa mga minorya nga maapektuhan sa operasyon sang pagmina. Ang NCIP ang ahensya nga dapat magproteksyon sa mga komunidad sang mga Lumad.

Sadtong Marso 13, naghimo sang aksyon-protesta sa atubang sang mga munisipyo sang Banaybanay kag Luponang Save Sumlog



River Alliance (Sasura), isa ka alyansa nga

ginatukod sang mga residente kag mga grupo nga nagasakdag sang naturalisa. Ini para mabuyagyag ang pagsulod sang mga korporasyon sang pagmina sa ila nga lugar.

Nagapanawagan sila kay Gob. Corazon Malanyaon nga pauntaton ang pagmina sa Sityo Anogkot kag Tabon sang Barangay Marayag, isa ka maligwin nga baryo sang munisipalidad sang Lupon. Nagapanawagan man sila nga ideklarar nga protektado sang erya ang 44,000 ektarya nga kadutaan nga isa ka watershed area malapit sa Sumlog kag Tag-Ugpo River. Ang panawagan resulta sang ginlunsar nga pagpanayasat sadtong Marso 10-12 sa mga minahan sa Barangay Marayag. Nahibal-an sa pagpanayasat nga ang basura sa mina halin sa mga tunnel nga ginahaboy sang mga nagmina sa mga sapa nagresulta sa pagnubo sang lebel sang tubig. Ginasamad sini ang bilog nga suba.

Antes ini, naglunsar man sang aksyon-protesta ang 200 Lumad sa atubang sang Mines and Geosciences Bureau sa Davao City sining Marso 2 kag nagapanawagan nga ibasura ang Mining Act of 1995 nga mas nagpabudlay pa sa ila nga kahimtangan. Ginsanto nila ang protesta sa ika-14 anibersaryo sang pagpatuman sang nasambit nga layi.

Sadtong Disyembre 2007, ginbarikadahan sang masobra 100 taga-tribo nga Mandaya kag mga mangunguma ang mga lugar nga ginkutkutan sang Omega Gold Mining Company kag Boston Minerals and Mining Corporation sa munisipalidad sang Boston, Davao Oriental para kundenahon ang operasyon sa pagmina sa ila lugar. Ang bilog nga kadutaan sang munisipalidad sang Boston ang sakop sang konsesyon sang Omega Gold Mining.

AB



Nepal

Panibag-ong krisis sa pulitika

Nagaindakilang subong ang panibag-o nga krisis pangpulitika sa Nepal makaligad nga magbiya bilang puno nga ministro si Pushpa Kamal alyas Pranchanda sang Communist Party of the Nepal-Maoist (CPN-M) kag naghalin sa koalisyong gubyrno ang partido sadtong Mayo 4.

Nagbiya si Pranchanda makaligad ibasura ni Presidente Ram Baran Yadav ang pagpahalinal kay Gen. Rokmangud Katawal bilang hepe sang Nepal Army (NA). Ginpahalinal sang puno nga ministro si Katawal bangud sa iya pagsupak sa mandu sang gubyrnoa nga untaton ang pagrekrut sang dugang nga mga suldado kag pagbalabag sa pagsimpon sa NA sang 19,000 suldado sang rebolusyonaryo nga People's Liberation Army base sa kasugtanan pangkalinungan nga gin-aprubahan sadtong 2006. Ginpamatukan sang CPN-M ang pagrekrut ni Katawal sang masobra 3,000 bag-o nga suldado kag pagbalik sa pwesto sang walo nga ginpahalinal nga heneral nga wala sang konsultasyon sa Defense Ministry.

Ang pagbalabag ni Presidente Yadav sa mga tikang sang gubyrno ni Pranchanda nagpihak sa koalisyong gubyrno nga nagpukan sa daan nga monarkiya kag nagahana subong sang panibag-o nga banggi-anay sa pulitika.

Sunud-sunod nga aksyong protesta ang ginalunsar subong sang CPN-M kag pumuluyo nga Nepali batuk sa siling nila pagtraidor ni Yadav. Sadtong Mayo 6, ginatos nga kababainhan nga Maoista ang nagmartsa padulong sa puluy-an sang presidente para ipamilit ang pagpahalinal kay General Katawal. Mas o minus 1,000 naman nga tagasuporta sang CPN-M ang nagmartsa sa kabisera sang Kathmandu kag nanawagan para sa pagbiya ni Yadav.

Sadtong Mayo 11, nag-engkwen-

tro sa Katmandu ang mga pulis kag mas o minus 400 Maoista nga nagapanawagan nga pukanon si Yadav kag ibasura ang ginatawag nila nga "kudeta nga konstitusyunal" sang presidente.

Nabudlayan gid subong ang parlamento sang Nepal nga magtukod sang bag-o nga gubyrno matapos ang paghalin sa koalisyon sang CPN-M nga nagabug-os sang 40% sang kapulungan. Naglipas ang Mayo 9 nga gintakda ni Presidente Yadav para tani makatukod sang bag-o nga gubyrno pero tubtub subong wala pa gihapon sang nalab-ot ang pagsugilanon sang lain-lain nga partido.

Ang pagkalusaw sang gubyrnong koalisyon nagpaatras man sa pagbalay sang konstitusyon sang republika sang Nepal. Siling ni Pranchanda, malapad nga konsensus ang kinahanglanon para malubos ang proseso pangkalinungan kag masulat ang konstitusyon. Madamo ang nagapangulba subong nga ang nagainit nga sitwasyon pangpulitika dalayon nga magatapos sa kasugtanan pangkalinungan kag liwat nga magapaibwal sang gera sibil sa pungsod. AB



Mayo 20

"Adlaw ni Ka Bel"

Gindeklarar ni Mayor Alfredo Lim sang Maynila ang Mayo 20 bilang "Beltran Day" para pasidunggan ang nagtaliwan nga Ka Crispin "Ka Bel" Beltran sang partido Anakpawis. Pagatukuran man sang rebulto si Ka Bel sa Plaza Miranda.

Suno kay Lim, buot niya nga bu-yukon ang mga pumuluyo nga maglunsar sang mga aktibidad nga magadumdum sa malahalonal nga leksyon nga ginbilin ni Ka Bel, isa ka ginapalangga nga lider-obrero.

Napatay siya sadtong Mayo 20, 2008 sa edad nga 75, samtang ginakumpunir niya ang bubong sang ila balay.

Samtang, ginhatagan si Ka Bel sang mga militante nga grupo sang mga mangunguma sang pasidungog nga "Filipino of the Century."

Ang mga militante nga grupo sang mga mamumugon naman naglunsar sang *walkout* halin sa ila mga pabrika. Naghiwat sang piket ang mga myembro sang Kilusang Mayo Uno sa Plaza Miranda. Nagpaguwa man sang mga bidyo kag naglunsar sang mga talakayan sa nagkalain-lain nga komunidad para dumdumon ang una nga anibersaryo sang pagkamatay ni Ka Bel.

Siling ni Rep. Joel Maglunsod sang Anakpawis, "Ginpakig-away ni Ka Bel ang matuod nga pagbag-o sa katilingban nga magapahilway sa masang anakpawis halin sa kadena sang permanente nga disempleado, gutom kag kaimulon. Tanan nga iya mainit nga diskurso sadtong kapahunan niya nagapanawagan para sa pungsodnon nga indistryalisasyon kag matuod nga repormang agraryo. Dapat kita magtuon sa iya halimbawa kag himuon ang tanan nga masarangan para ipakig-away ang matuod nga pagbag-o sa katilingban." AB

Hagna nga layi batuk sa pagpang-ipit sa mga aktibista, ginpresentar

GINPRESENTAR ni Bayan Muna Rep. Satur Ocampo ang isa ka hagna nga layi nga maghatag-proteksyon sa mga kritiko sang gubyerno batuk sa mga himu-himo nga kaso nga ginpasaka sa korte nga maathag nga pagpang-ipit lamang. Ang House Bill 5840 ukon anti-SLAPP (Strategic Lawsuits Against Public Participation) ginalauman nga makapugong sa ligal nga pagpang-ipit, pagpamahog kag pagpabudlay sa mga kritiko sang gubyerno.

Katuyuan sang HB 5840 nga pungan ang pagpang-abuso sa sistema nga hudisyal paagi sa pagdumili sang pagpasaka sang mga himu-himo nga kaso batuk sa mga aktibista kag iban pa nga nagabato

sa gubyerno. Isa ka probisyon sang hagna nga layi ang paglagas nga mahatagan ang mga biktima sang danyos perwisyo, mabayaran ang gasto sa pagpasaka sang kaso pareho sang bayad sa abugado kag

iban pa.

Ang SLAPP amo ang mekanismo sang estado para tapnaon ang kina-matarung sang pumuluyo nga maglunsar sang mga aksyon-protesta kag iduso sa gubyerno nga sabton ang ila mga demanda. Ginagamit man ini sang dalagku nga koporasyon, mga pulitiko, agalon nga mayduta kag mga kapitalista batuk sa mga mangunguma, imol sa syudad, mamahayag, mga estudyante kag mga ordinaryo nga pumuluyo nga nagapakigbato para sa ila mga kina-matarung. **AB**

Arroyo, desperado nga mangin *prime minister*


ISA na ka "hayag nga sekreto" ang plano nga magkandidato ni Gloria Arroyo bilang kongresista sa Pampanga sa 2010. Suno kay Makati Mayor Jejomar Binay, presidente sang United Opposition (UNO), ang tanan nga mga upisyal sang gubyerno tubtub sa mga ordinaryo nga drayber sang traysikel sa ikaduha nga distrito sang Pampanga nagahanda na para sa kandidatura ni Arroyo sa 2010. Pila sa mga palatandaan sang plano nga pagpadalagan ni Arroyo ang kada simana nga pagbisita niya sa distrito kag pagpanghatag sang mga delata kag iban pa nga pagkaon sa mga residente diri.

Desperado nga magkandidato si Arroyo bilang kongresista para mapilian siya nga *prime minister* kag magapabilin pa gihapon sa poder. Solo nga katuyuan sang ini nga maniobra nga makalikaw siya sa madamo nga kaso nga ipasaka batuk sa iya oras nga siya indi na presidente kag madulaan na sang *presidential immunity* ukon proteksyon batuk sa mga demanda. Matandaan nga nadalahig si Gloria Arroyo sa madamo nga anomalya sa mga proyekto sang gubyerno pareho sang NBN-ZTE telecom deal, fertilizer fund scam, North Rail Project, Ginintuang Masaganang Ani kag iban pa.

Apang antes matuman ni Gloria Arroyo ang iya handum nga mangin *prime minister* kinahanglan anay mangin parlamentaryo ang sistema

sang gubyerno. Ini mahimo lamang kon mabag-o ang konstitusyon. Sa subong ginamaniobra na sang Manubo nga Panalagan nga baguhon ang konstitusyon paagi sa *constituent assembly* (con-ass) bisan wala ang presensya sang Senado. Ini maathag nga paglapas sa konstitusyon. Apang ginalauman sang mga idu-ido ni Arroyo sa Kongreso nga palig-unon sang Korte Suprema ang padihot nga con-ass bangud mayorya na sang mga mahistrado diri ginpili ni Arroyo.

Napresentar na sa Manubo nga



Panalagan lunsay ang HR 1109 nga ginpasaka ni Camarines Sur Rep. Luis Villafuerte kag HR 737 nga ginpasaka mismo ni House Speaker Prospero Nograles kag plano nila nga iratsada ang con-ass antes matapos sa subong nga sesyon sang Manubo nga Panalagan subong nga Hunyo 3. Ang duha nga resolusyon pareho nga nagaduso sang pagbag-o sang konstitusyon paagi sa con-ass nga wala ang Senado. Kuno abi nagadistansya na sa con-ass si Villafuerte pero pakuno-kuno lamang ini.

Suno kay Nograles, pagalakayon sang Manubo nga Panalagan ang nasam-bit nga mga resolusyon bisan bilog nga gab-i nila nga pungkuan ini.

Pananglitan indi man mahingabot ang con-ass antes ang eleksyon sa 2010, ihi-ngabot gihapon ini pagkatapos sang gid sang eleksyon. Pangunahon ini ni Arroyo paagi sang padayon nga pag-uyat gihapon niya sang poder bilang tiglawas sang ikaduha nga distrito sang Pampanga kag bilang Speaker of the House. **AB**

Editoryal

Rebolusyon ang magatapos sa pagkaatrasado kag kaimulon

Tuman kadako nga kahambugan ang deklarasyon ni Gloria Arroyo nga maisip na ang Pilipinas sa pinakamauswagon nga pungsod sa kalibutan pag-abot sang 2020. Ginabola lamang ni Arroyo ang ulo sang mga Pilipino sa paliwat-liwat nga paghambal nga pila ka tuig na lang matapos na ang ginatos ka tuig nila nga kaimulon bunga sang iya mga pagtinguha kag tikang. Wala sang magapati sa ginapagwa ni Arroyo nga kinahanglan niya magpabilin sa poder para maluwas ang Pilipinas kag madul-ong ini sa pangako niya nga kauswagan.

Bangud sang paglala sang krisis sang malapyudal nga ekonomya sa pungsod kag sang paghanot sang subong nga krisis sang pangkalibutanon nga sistemang kaptalista, labi pa nga mangin atrasado ang pangabuhian sa Pilipinas. Amo man sini ang tantya bisan sang mga imperyalista nga ahensya pangpinansya.

Tubtub nga ang ekonomya sang Pilipinas nagapabilin nga taga-suplay lamang sa mga imperyalista sang barato nga hilaw nga materyales kag barato nga kusog-pangabudlay, nahigot sa pag-eksport sang malaproseso nga produkto kag ginahukhukan sang supertubo gamit ang ga-

may nga sobra nga kapital, magapabilin ini nga atrasado, agraryo kag indi industriyalisado. Permi man nga pagabayuhon sang permanente nga krisis ang Pilipinas kag indi ini mag-uswag san-o man sa idalom sang garuk nga sistema.

Wala na nag-uswag ang ekonomya kag kabug-usan sang katilingban nga Pilipino halin nga ginpaluntad sang imperyalismong US ang kolonyal kag neokolonyal nga pagginahum, pagpandambong kag pagpamigos. Halin sadtong dekada 1980, sang ipatuman ang imperyalista nga polisiya nga “neoliberal nga globalisasyon” kag katuwang nga liberalisasyon, deregulasyon, pleksibilidad sa pagtrabaho, pribatisasyon kag denasyunalisasyon labi pa nga naglala ang amo nga makaluluoy nga kahimtangan.



Mga tampok sa isyu nga ini...

Pagkurakot sa pondo sg Balikatan

PAHINA 3

Mga paglapas sa tawhanong kinamatarung sg SMR

PAHINA 8

Panibag-ong krisis sa pulitika sa Nepal

PAHINA 11

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angba-yan@yahoo.com*